

ԱՐՁԱՆԱԳՐՈՒԹՅՈՒՆ

ՀՀ Գեղարքունիքի մարզի Վարդենիս համայնքի Վանևան բնակավայրի վարչական ղեկավարման շենքում կայացած՝ ՀՀ Գեղարքունիքի մարզի Վարդենիս համայնքի Վանևան բնակավայրում նախատեսվող արևային ֆոտովոլտային էլեկտրակայանի կառուցման նախագծի՝ շրջակա միջավայրի վրա ազդեցության գնահատման հաշվետվության վերաբերյալ 1-ին հանրային քննարկումների

2025թ-ի մարտի 22-ին, ժամը 11:00-ին, ՀՀ Գեղարքունիքի մարզի Վարդենիս համայնքի Վանևան բնակավայրի վարչական ղեկավարման շենքում տեղի ունեցավ՝ ՀՀ Գեղարքունիքի մարզի Վարդենիս համայնքի Վանևան բնակավայրում նախատեսվող արևային ֆոտովոլտային էլեկտրակայանի նախագծի և նախնական գնահատման հայտի վերաբերյալ 1-ին հանրային քննարկումը՝ <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջների համաձայն:

Հանրային քննարկումների հայտարարությունը հրապարակված է եղել <<Առավոտ>> օրաթերթի՝ 2025թ-ի ապրիլի 16-ի հերթական համարում:

Հանրային քննարկմանը մասնակցում էին՝ Վանևան բնակավայրի բնակիչները, Վարդենիս համայնքի ղեկավարի խորհրդական՝ Խաժակն Մկրտչյանը, Վանևան բնակավայրի վարչական ղեկավար՝ Իգր Հարությունյանը, <<ՍՈԼԱՐ ՍԹԱՐ ԻՔՍ>> ՍՊ ընկերության տնօրեն Հարություն Ավագյանը, <<Նովալ>> ՍՊԸ ներկայացուցիչ՝ Թամարա Նուրիջանյանը:

Վարդենիս համայնքի ղեկավարի խորհրդական Խաժակն Մկրտչյանը ողջունեց ներկաներին և ներկայացրեց հանդիպման նպատակը, այնուհետև խոսքը փոխանցեց <<Նովալ>> ՍՊԸ ներկայացուցիչ՝ Թամարա Նուրիջանյանին:

Թամարա Նուրիջանյանը ողջունեց մասնակիցներին և տեղեկացրեց, որ քննարկվող նախագիծը՝ <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի 12-րդ հոդվածի համաձայն ենթակա է փորձաքննության, որի համար նախատեսվում է՝ 2 հանրային լսում:

<<Նովալ>> ՍՊ ընկերության ներկայացուցիչ Թամարա Նուրիջանյանը քննարկման մասնակիցներին տեղեկացրեց, որ նախատեսվող արևային ֆոտովոլտային էլեկտրակայանը կառուցվելու է Վանևան բնակավայրի տարածքում և զբաղեցնելու է 6,5հա(հեկտար) մակերես, այդ հատվածում է կառուցվելու նաև ֆոտովոլտային էլեկտրակայանի ենթակայանը:

Թամարա Նուրիջանյանը տեղեկացրեց նաև, որ շրջակա միջավայրի վրա, որոշակի նվազ ազդեցություն կարող է առաջանալ էլեկտրակայանի շինարարության ընթացքում կապված հողային աշխատանքների հետևանքով օդային ավազան արտանետումների հետ, բայց ՇՄԱԳ հաշվետվությունում նախատեսված են միջոցառումներ օդային ավազան արտանետումների նվազեցման հետ կապված:

Նախատեսվող արևային ֆոտովոլտային էլեկտրակայանի տեխնիկական բնութագրերի մասին Վանևան բնակավայրի ազգաբնակչությանը ավելի մանրամասն տեղեկացրեց <<ՍՈԼԱՐ ՍԹԱՐ ԻՔՍ>> ՍՊ ընկերության տնօրեն՝ Հարություն Ավագյանը՝ նշելով, որ 6,5հա (հեկտար) մակերեսի վրա կառուցվող էլեկտրակայանը ունենալու է՝ 5ՄՎտ հզորություն, արևային կայանի տարածքում կառուցվելու է՝ 7000 Կվա հզորության տրանսֆորմատորային տնտեսություն:

<<ՍՈԼԱՐ ՍԹԱՐ ԻՔՍ>> ՍՊ ընկերության տնօրեն՝ Հարություն Ավագյանը տեղեկացրեց նաև, որ բուն շինարարական աշխատանքները տևելու է մոտավորապես մեկ տարի, իսկ շինարարության ընթացքում բացվելու է մոտավորապես՝ 80-100 աշխատատեղ, իսկ արևային կայանի շահագործման ընթացքում անհրաժեշտ է լինելու՝ շահագործման և պահպանման համար հիմնական թվով հինգ աշխատակից:

Քննարկմանը մասնակից՝ վանևան բնակավայրի բնակիչները իրենց հուզող հարցերը ուղղեցին՝ <<ՍՈԼԱՐ ՍԹԱՐ ԻՔՍ>> ՍՊ ընկերության տնօրեն՝ Հարություն Ավագյանին.

Հարց՝

- Որ բնակավայրից են լինելու շահագործվող էլեկտրակայանի աշխատողները:

Պատասխան՝

- Արևային ֆոտովոլտային էլեկտրակայանի շահագործման դեպքում առաջնահերթություն կտրվի Վանևան բնակավայրի բնակիչներին:

Քննարկմանը մասնակից բնակիչները ողջունեցին նախաձեռնությունը:

Բնակիչների կողմից առարկություններ չհնչեցին և Խաժակն Սկրտչյանը ավարտեց քննարկումը:

Քննարկումների վարող և պատասխանատու՝

ՀՀ Գեղարքունիքի մարզի Վարդենիս համայնքի ղեկավարի խորհրդական



Խ. Սկրտչյան

Ձեռնարկողի ներկայացուցիչ՝

<<ՍՈԼԱՐ ՍԹԱՐ ԻՔՍ>> ՍՊԸ տնօրեն



Հ. Ավագյան